

Vehivavy be herimpo ao amin'ny Bokin'i Môrmôna

Marobe ireo vehivavy ao amin'ny Bokin'i Môrmôna izay ohatra tsara ho antsika. Ireto misy karatry ny olona be herimpo miisa telo hanampiana ireo efa voangonao! Tsy fantatsika ny anaran'izy rehetra, kanefa mbola afaka mianatra avy amin'ny ohatra nasehon'izy ireo isika. Ahoana no ahafahanao ho tonga tahaka ireo vehivavy ao amin'ny Bokin'i Môrmôna ireo?



Afaka mahita ireo vehivavy hafa ireo ao amin'ny soratra masina ve ianao? Manamboara karatry ny mahery fo ho azy ireo dia handefa-so sary iray izahay!

- 1 Nefia 7:19. Naneho herimpo ireo vehivavy ireo tamin'ny fiarovana an'i Nefia. Iza izy ireo?
- 2 Nefia 5:6. Nino an' Andriamanitra ireo vehivavy ireo ka nanaraka an'i Nefia ho any an-tany foana. Iza izy ireo?
- Almà 56:47–48. Nampianatra ny zanany momba an' Andriamanitra ireo vehivavy ireo. Iza izy ireo?

[Valiny: zanakavavy sy vadin'i Ismaela, ireo anabavin'i Nefia, ny renin'ireo zatovolalahy mpiady]



Hetezo dia aforeto ary tehirizo ireto karatra misy fanamby ireto!

SARY NATAONY JARED BECKSTRAND



Afaka mino aho!

Nino ny vadin'i Lamônia fa mpaminanin' Andriamanitra i Amôna. Afaka ny hitovy amin'ny vadin'i Lamônia ianao amin'ny finoana ny mpaminany sy ireo apôstôlintsika amin'izao fotoana izao!

- Vakio ny Almà 19:2–5, 8–10.
- Mijere lahateny nataon'ny Filoha Monson tamin'ny fihaonambe. Mino ve ianao fa mpaminanin' Andriamanitra izy?
- Izaho dia vonona ny . . .



Afaka mahazo fijoroana ho vavolombelona aho!

Nahazo fijoroana ho vavolombelona i Sarià fa i Leahia vadiny dia mpaminanin' Andriamanitra. Afaka ny hitovy amin'i Sarià ianao amin'ny alalan'ny fahazoanao fijoroana ho vavolombelona anao manokana sy ny fizarana izany amin'ny hafa!

- Vakio ny 1 Nefia 5:7–8.
- Soraty ny fijoroana ho vavolombelona ananao na zarao amin'ny namana iray na olona iray ao amin'ny fianakaviana izany.
- Izaho dia vonona ny . . .



Afaka miteny amim-pahasahiana aho!

Lehilahy ratsy fanahy i Môriantôna. Namely mafy ny iray tamin'ireo mpanompony izy ka dia nanapakevitra ny hiteny tamin'ny Kapiteny Môrônia ny zavatra nataon'i Môriantôna ilay mpanompoavavy. Afaka ny hitovy amin'ilay mpanompoavavy ianao amin'ny alalan'ny fitenenana amim-pahasahiana rehefa misy zavatra tsy mety!

- Vakio ny Almà 50:30–31.
- Raha misy olona mampijaly anao, na raha mahita olona ampijaliana ianao dia teneno amin'ny olon-dehibe iray atokisanao.
- Izaho dia vonona ny . . .